

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-27/13
Vareš, 29.01.2013. godine**

Na osnovu člana 55. Zakona o pravobranilaštvu („Službene novine Zeničko-dobojskog kantona“ broj 14/08) i člana 147. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05), člana 60. stav 2. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“ broj 45/10 i 111/12), člana 22. Statuta Općine Vareš- Prečišćeni tekst, broj 01-162/12 od 11.09.2012. godine, Općinsko vijeće Vareš na 4. sjednici održanoj 29.01.2013. godine donosi:

ODLUKU
o utvrđivanju platnih razreda i koeficijenata za obračun plaća u
Općinskom pravobranilaštvu Vareš

Član 1.

Ovom Odlukom utvrđuju se platni razredi i koeficijenti za obračun plaća zaposlenih u Općinskom pravobranilaštvu Vareš (u daljem tekstu: Pravobranilaštvo)

Član 2.

Plaća se određuje tako da se polazna osnova za obračun plaće pomnoži sa koeficijentom platnog razreda i ukupan iznos poveća na osnovu radnog staža.

Član 3.

U Pravobranilaštvu utvrđuju se platni razredi i koeficijenti:

I platni razred	Koeficijent - 6,00
II platni razred	Koeficijent - 4,85
III platni razred	Koeficijent - 3,10

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



Član 4.

U platne razrede utvrđene u članu 2. ove Odluke razvrstavaju se sljedeća radna mjesta:

- I platni razred- općinski pravobranilac**
- II platni razred- zamjenik općinskog pravobranioca**
- III platni razred- viši samostalni referent**

Član 5.

Ova odluka stupa na snagu osmog dana od dana objavljivanja na oglasnoj tabli Općine Vareš, a primjenjivati će se od 01.01.2013. godine.

**PREDSJEDAVAJUĆI
OPĆINSKOG VIJEĆA VAREŠ**

Zdravko Marošević

Odluka objavljena na oglasnoj tabli Općine Vareš 30.01.2013. godine.

OPĆINSKI NAČELNIK

Kovačević Avdija , dipl. pravnik

O b r a z l o ž e n j e
Odluke o utvrđivanju platnih razreda i koeficijenata za obračun plaća u
Općinskom pravobranilaštvu Vareš

1. Pravni osnov

Pravni osnov za donošenje Odluke o utvrđivanju platnih razreda i koeficijenata za obračun plaća državnih službenika i namještenika u Općinskom pravobranilaštvu Vareš sadržan je u odredbama člana 55. Zakona o pravobranilaštvu Zeničko-dobojskog kantona, kojim je propisano da je polazna osnovica za obračun plaće općinskog pravobranioca i njegovih zamjenika jednaka polaznoj osnovi za obračun plaće državnih službenika i namještenika zaposlenih u općinskim organima uprave, koju utvrđuje općinski načelnik, te da koeficijente za obračun plaće općinskog pravobranioca i zamjenika utvrđuje općinsko vijeće na prijedlog općinskog načelnika, kao i u odredbama člana 60. stav 2. Zakona o plaćama i naknadama u organima vlasti Federacije Bosne i Hercegovine, kojim je propisano da će se odlukama općinskih vijeća o plaćama i naknadama u općinskim organima propisati koeficijenti za izabrane dužnosnike, nosioce izvršnih funkcija i savjetnike u općinskim organima vlasti, s tim da se ne mogu utvrditi veći koeficijenti od koeficijenata utvrđenih u članu 9. ovog zakona, te u odredbi člana 22. stav 1. tačka 28. Statuta Općine Vareš, kojom je propisano da Općinsko vijeće utvrđuje koeficijente za obračun plaća za Općinskog načelnika, te za državne službenike i namještenike u jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika.

2. Razlozi za donošenje

U skladu sa Zakonom o pravobranilaštvu Zeničko-dobojskog kantona i Zakonom o plaćama i naknadama u organima vlasti Federacije Bosne i Hercegovine, neophodno je bilo pristupiti usklađivanju platnih razreda i koeficijenata za obračun plaća, te osnovice za obračun plaće koju je utvrdila Vlada Zeničko-dobojskog kantona, a sve u skladu sa raspoloživim finansijskim sredstvima u budžetu općine Vareš.

3. Finansijska sredstva

Za realizaciju ove Odluke potrebna sredstva su osigurana u općinskom budžetu.

Predlažem da Općinsko vijeće Vareš usvoji ovu odluku u navedenom tekstu.

PREDLAGAČ:
OPĆINSKI NAČELNIK

Kovačević Avdija, dipl. pravnik